

倚  
晴  
樓  
詩  
餘

序

宮商之聲有五文字之別累萬以累萬之繁配五聲之約高下低昂思力靡舉矧迺參差變唱曲折赴節意內言外滋潤婉切心巧手妍錙銖精討樂章有府比音成文固風雅之餘響亦騷辨之苗裔也然而美人香草託旨幽蔚瓊樓玉宇寄情遙深勞人綴曲憐河上之同聲奇思凌雲換尊邊之低唱懂而有作屑以爲名哉鹽官黃君韻甫少負異姿長耽羣籍恣元覽於中區以文章爲小技龍門遐歷詎甘孤憤之書杜陵抗懷雅有經綸之願至於吐角含徵析分尋刳四候之感秋氣偏多五絃之指高調寡和語必驚座憂能傷人嗟嗟使君早籥

天衢榮鬯襟袞出文府之珪璋灑書林之膏馥必當補  
助風俗謹奏和平卽不然而侍從密邇記注言動彫炳  
丹青黼黻絺繡蒲梢天馬之歌芝房寶鼎之曲亦足鼓  
吹休明潤色鴻業而迺十上終擯一官晚就纒陰牽絲  
之篇遽應乘虬之召春陵嘯咏未紓元結之裏粟里荒  
蕪莫返泉明之徑徒令墨士追愾騷壇慕思采擷辭條  
低徊遺韻誦長吉之句詫其鬼才酌孔璋之墓稱爲詞  
客豈君之志歟卽論其詞無愧於古聯絲曠邈哀感頑  
豔截竹依永素黍罔忒罔已挹周柳之哀入姜張之室  
余託同鄉郡試席屢接中更別離遽悼奄忽羈維塵鞅  
零落藻綺卽事抒指間爲新聲獨爾自縲晚蟬孤唱中

仙去後誰訂元音夢牕云徂空題遺筆津梁所逮馨逸  
斯播愛聳宗君子城刊斯編既竣以余與君雅故屬爲  
喞言泚筆述此蓋不禁俛然而感矣同治六年歲次丁  
卯秋八月同郡張炳堃鹿仙氏拜撰

倚晴樓詩餘

卷一

海鹽 黃燮清 韻甫

南鄉子

宿瑪瑙寺禪房

玉版話三生，禪榻茶煙證淨盟。時有妙香來鼻觀，零星佛座閒花，供一瓶。燈火透檐青，襪被輕寒逼五更。殘夢不曾畱得住，恁惺雨裏疏鐘，又幾聲。

卜算子

湖樓

樹杪曲闌迴，檐底斜陽冷。嬾娜春風欲上樓，吹得煙鬟醒。生小太癡憨，閒憾何曾省。手釧錚鏦響一聲，笑捉楊花影。

前調

倚晴樓詩餘

卷十

辛苦爲尋春爭奈春歸速流水盈盈不見人煙雨封簾  
角別緒總無聊前夢眞難續芳草垂楊其一隄各自  
傷心綠

掃花游

湖樓聽曲

小樓霽雨看綠漸成陰矮簾如水送春去矣正花香酒  
後絮香檐底料理閒愁訴與雕梁燕子管絃沸算人在  
繡屏紅豆能記涼破雲一紙奏細韻泠泠晚寒羅綺  
夢游自喜認畱仙院宇絳霞宮裏但識飛瓊此外不知  
姓氏曲終未響天風鬢絲吹起

卜算子

書悶

黛色暝含煙水氣昏連霧三月曾無十日晴雨裏春來

去簾外亂飛花幾箇流鶯語才得登樓一惘然綠盡天涯樹

疏影

題張松溪泰初花影吹笙圖

煙痕似雪有瘦螢幾點飛上衣褶料理銀簧坐對瑤天黃昏韻事幽絕淒清不耐離人聽怕賸夢斷時難接莫等閒作去弄涼聲挑醒一窗梧葉仰見明河浪靜夜深正露重絲鬢微溼裏底香歸指上秋生逗起惺忪蝴蝶闌干閒了誰同倚但靠碎半身斜月到恁時尋取雙成偷譜羽衣三疊

四犯翠連環

薄莫泊孤山登巢居閣和吳子述承勳韻

夢熟鷗鄉酒醒魚國汀洲畫橈斜倚一路晚蟬涼自語

響碎柳陰三里竹枝聲乍起夕陽紅到銷魂地半天暝  
色半湖雲氣忽忽愁難寄草際瘦蝶雙飛認東風裙  
幅那回遊戲幾日不來煙雨冷荒卻舊時羅綺小樓仍  
靠水水邊窗戶玲瓏閉秋老矣白了菱花影青了蓮房  
子

鵲橋仙

送張松溪之袁浦

無多舊雨無多新雨各自鐙寒酒醒月明何處弄瑤笙  
怕冷了西湖花影秋聲碎夢秋風催別漸漸鬢絲涼  
警篷窗吟遍六朝山只載得閒愁一艇

前詞

七夕

月斜香几露寒瓜席牆外何人私語隔花風遞笑聲來



卻不似故園兒女 有情時節無情院  
落坐對涼陰幾  
樹卷簾獨自數秋星  
點點是離愁來處

惜秋華 秋海棠

倦態惺忪向雕闌  
豔慘紅粧微褪薄  
醉乍醒娟娟另饒  
丰韻無端碎卻秋心  
鎖一片雨陪煙襯空階  
夢魂涼又是疏蛩幾陣  
芳影弄嬌嫩背牆陰  
睡起西風扶隱幽  
媚自憐思婦淚痕還  
暈簪來細貼雲鬟怕  
添了玉釵離恨殘粉  
付徐娘斷腸詩本

蘇幕遮

客衣單人影悄  
越是天涯越是秋來  
早雨雨風風增懊  
惱越是黃昏越是  
蟲聲鬧別情濃歸  
夢渺越是思家

越是鄉書少一幅疏簾寒料峭越是銷魂越是鐙殘了

齊天樂

秋蝶

翩翻縞袂新寒薄秋來玉去腰纖小豔塚尋香離宮覓  
恨舞碎零星殘照銷魂畫稿更點綴閒愁冷叢疏草影  
墮牆根海棠花瘦帶煙裊闌珊春夢乍醒記游仙幻  
境鶯燕都老南國畱裙西風泣扇莫問舊家亭沼芳情  
未埽歎金粉年華等閒過了月裏羅浮恁時歸去好

前調

秋燕

烏衣瘦損來時影天涯豔游應徧玉樹荒煙金陵賸粉  
惆悵舞裙歌扇閒拋翠翦弔六代斜陽故侯宮苑冷入  
江南一襟疏雨暮愁遠恩恩芳事易了早梧桐墜葉

風露催晚草信霜前楊花夢裏涼煞綺羅深院紅絲待  
餞算客久思歸幕巢棲倦落盡香泥月殘簾未卷

虞美人

剪秋羅

磁盆畧帶蕭疏意染得秋如綺猩痕點點雨中看認是  
西風殘淚溼齊紈蘇娘機杼迴文倦移近簾櫳玩一  
絲絲織可憐紅輪與茜紗裙上繡芙蓉

前調

玉簪

幽莖貼砌煙痕重點綴蒼苔空半牆殘月太朦朧畱得  
幾枝疏影蓋嗁蛩水晶簾底纔梳掠鬆插蟬雲薄釵  
頭閣住露華香只覺一分秋在鬢絲涼

喝火令

畫帶愁時影詩藏別後箋朱樓人去綠陰圓賸有一雙  
飛燕占住舊鞦韆 玉夢誰招得銀河但渺然模糊心  
事十年前記得黃昏記得藕花天記得酒醒時候羅幌  
月如煙

徵招 檐馬

檐牙碎挂琉璃影宮商爲誰煩絮逼近繡窗櫺說西風  
來處愁人眠正苦誤聽了一鈴微雨細語錚鏦絲絲搖  
曳嫩涼庭宇 宵鼓靜方長黃昏後支頤背鏡凝伫好  
夢已難成况秋聲畱住開簾頻看取祇樓外疏星三五  
鬪清響幾串玲瓏和去竹梢殘露

滿江紅 水仙王祠神絃曲

老去東坡零落了風流賽筵怨吾輩疎狂禮節重酌寒  
泉廿五條冰彈碎月十三陵樹長荒煙採黃花人語冷  
香中殘翠邊神至矣風滿船神去矣水連天擊空明  
一片漁鼓吟舡睡起芙蓉窺鏡裏日斜鷗鷺拜門前有  
小鬟低唱棹歌來秋渺然

念奴嬌

題諸子良嘉果棗花簾學拍圖

仙乎蕭史在湘紋影裏呼之欲出一樹花陰清蓋戶篩  
碎半窗涼月紫粉徐飄紅牙細按風過檐鈴叶隔牆聲  
度畫樓殘夢難覓我欲遠跨蟾蜍瓊簫飛弄吹破秋  
雲碧去問廣寒新樂府洗盡人間箏笛玉宇天高銀河  
水迴未許星槎入冰絃獨語古音空自憐惜

蘭陵王

晚天闊秋意江城漏洩河橋路憔悴綠楊幾點歸鴉弄  
殘葉征衫大瘦絕彈缺清游未歇涼陰裏三四暮蟬似  
向西風訴離別平原控金埒看野草淒迷疲馬爭齧  
煙中樓閣雲堆疊望遠水無際亂峯爭暝蒼茫殘照赴  
雉堞正搔首時節凝結亂愁積算抑鬱襟懷箏柱能  
說黃昏淚灑青袍熱但玉塵唾碎唾壺敲缺遙情千里  
試寄與鴈外月

齊天樂

七月既望借陳湘漁作敬吳研仙廷變兄  
逆舫西湖泛月

飄然頗有凌雲氣長空乍收昏靄露濕衫邊星黏樹隙  
清得游人無奈銀河玉去海怕今夜嬋娟等閒涼壞棹

入西泠水窗一半柳陰葢 中流來去自在洞簫吹斷  
續如聽仙籟時湘漁吹洞簫數曲零碎飛螢惺忪倦鷺秋在紅芙  
塘外花枝細擺儘無數幽香畫船輕載醉我煙波五更  
歸思嬾

疏影 殘菊

霜華似酒向枝枝點染芳豔耐透冷到籬根倦倚窗前  
苔痕一逕鋪厚寒蛩嬾作傷心語便蝶影飛來都瘦卷  
畫簾盡日西風分付秋魂消受 記得餐英小摘那人  
共徙倚香滿羅袖好夢如煙別夢如雲又到苦寒時候  
謝娘已嫁吳娘病只院落夕陽依舊算可憐不獨黃花  
說與雁鴻知否

江梅引 用白石翁格

簾鉤風響玉瓏玲亂愁生不堪聽賸有梅花疏影伴窗  
榻無語卸粧無語坐太忪惺燈昏也睡未曾 檀奴歸  
信欠分明畫樓深霜氣凝雁兒解事定飛去代訴離情  
獨自繡衾寒擁度殘更懊惱月斜鐘易動一聲聲才成  
夢又打醒

減蘭

畫樓西畔一逕苔痕都立斷悄隔紅窗卻教鸚哥罵玉  
郎 桃根姊妹幾點眉山煙外翠瑟瑟宮花掩映秋蟬  
兩翅紗

晚粧才了粉氣如煙空處繞攜手斜陽鬢後風來漸漸



香 偷移寶屐便不逢人心已怯小語多時只有花陰  
宿鳥知

木樨花發記向花邊尋宿約挨近羅衣替掠煙鬟未整  
絲 黃昏歸路辨不分明煙外樹澹月疏簾一丈桐陰  
絲到檐

扁舟西去兩地情懷無說處各自生愁各自昏昏過一  
秋 寒鐙誰共枕上定須尋好夢夢若尋來夜半樓扉  
爲我開

一枝春

蠟梅

畫閣疏簷粲檀痕襯貼雕欄前後微開磬口半是麝臍  
薰透黃香瘦了算惟有素心依舊常伴我風雪紗窗耐

得歲寒時候 推簾笑揜紅袖戲拈來小朶雲翹裝就  
金釵弄影數點碎星寒鬪香幽自遠恁不平許玉去郎  
親嗅明鏡裏斜掠煙絲嫩芳簪手

過秦樓

西疆用事邊地苦寒爲填此解

晚雨扶愁曉陰勒夢野樹朔風淒嘯黃沙夢裏白雁霜  
前枯盡玉關秋草堪歎落月陰山燐火蒼茫寒蟄獨弔  
聽幾聲胡管幾枝羌笛鬢絲催老 誰記得出塞歌長  
新婚別苦忽忽路絲書杳金微萬里銀燭三更何處受  
降城堡如此天荒地涼寄盡征衣何時吹到便封侯覓  
取樓外垂楊瘦了

齊天樂

西湖雪霽泛舟湖心亭遠孤山麓而返

脫裘聊買西湖醉，村醪乍添新價遠。寺藏紅荒汀，凍碧  
一一閒鷗瀟灑。蘆花粘絮惹，問鶴篋尋梅蹇。驢誰跨，點綴  
蒼寒隔煙曠，有釣漁者。清游誰更領，畧浩然凝望。眼  
幽景難寫，禿樹瓊裝層樓玉。聳除是雲林能畫，青山睡  
也笑傅粉殘粧。夕陽催卸，可惜南屏晚鐘容易打。

清平樂

早梅

暗香疏影影在香中，冷小語花前。人不省翠羽夜深來  
聽。露華洗染春痕，等閒溼了釵裙。除卻羅浮夢裏誰  
家有此黃昏。

滿江紅

帶山劍石

撫劍蒼茫試憑弔，英雄陳跡想當日。青萍砍地亂雲奔。

裂落日瘦眠豺虎影腥風寒迸蛟螭血聽龍泉夜半吼  
空山山魘泣 鋒過處星芒急水磨後江流赤看長虹  
出手豫章飛魄甲盾五千摧勁敵屬鏤三尺鋤忠節  
歛斜一角臥荒煙苔痕蝕

念奴嬌

將客西冷填此誌感

雙親老矣更弟兄潦倒一般作客兩字功名何日就望  
得門閭頭白烏鵲依枝雁鴻印雪落落飢驅迫欲留難  
住未行先計歸日 堪歎寂寞芳閨露花煙草總是傷  
心色樓上春風增懊惱莫問綠楊消息情淚穿珠離懷  
中酒紅袖青衫溼絲兒魂瘦不禁零碎銷得

前調

題查青華人漢龍靈石圖

孤峯瘦立問飛來何處離奇倔強料得巨靈開華嶽削  
落芙蓉一丈太守遺珍元章新契庭院供幽賞博鑪香  
裊冷煙吹活仙掌 堪訝剔透玲瓏欽崎天矯無一平  
庸相此是廬山真面目妙手傳神依樣碧髓常腥蒼鱗  
自動勢欲飛騰上海天風雨恐隨雲氣來往

瑤花

孤山看梅

篷窗容與載酒尋芳趁雨晴煙曉山南山北千萬樹疏  
密橫斜都好香隨風遠漸透入綺裙羅抱繞曲亭面面  
清流替寫綠衣仙照 偶然客路勾留但草草游春野  
鶴應笑衫痕鬢影飄颻處一路輕寒難埽故園溪上想  
今日也應開了問水房九折紅欄可有玉釵人靠

前調 玉蘭花下作

珊然風格驀憶當初怪似曾相識  
珠娘亭院攜手處正是花香時節  
扶肩小語直看徧瓊樓  
南北背粉牆偷整羅裙鬪影一般清絕  
而今六度春風歎冉冉芳華前  
夢難覓湘妃寶屐歸去也  
愁弄冰絃瑤瑟舊時臺榭料  
深閉半庭殘月賸幾枝冷倚闌干  
開也無人憐惜

減蘭 送春

雨愁風惱把箇東皇催去了  
春有歸期待得人歸是幾時  
欲畱難住一種離愁無著處  
自啟窗紗閒向空庭數落花

浣溪紗

瀟灑疏簾不上鉤嫩雲池館數聲鳩綠陰和雨畫江樓  
曉起難尋無緒夢晚涼預作去未來秋儘人消遣是  
離愁

風蝶令

繡枕扶還怯羅衣著尙單一年春已病中完底事東風  
猶作去不情寒綠意詩難寫黃昏酒易殘冷螢拖月  
上闌干可惜無人同倚畫樓看

蝶戀花

小院愔愔芳事暮落了黃梅減了青梅數水漾簾痕風  
約住有人立向無人處金綫拋殘閒繡譜葉葉芭蕉  
漸漸濛窗戶一片晚陰消不去鷓鴣先定黃昏雨

滿江紅 觀水嬉

細浪搖羅楊柳岸微風乍薰指鏡裏綵龍飛下舞碎煙  
痕十里鼓聲涼振雨一湖扇影盪成雲認珊珊神女踏  
波來金縷裙殘照隱花外村疏樹藹水邊門看琉璃  
掉破幾點青鱗畫舫尋香憐小杜野橋沽酒弔靈均採  
芳蘭何處寄相思空翠昏

臨江仙

雨霽湖隄晚步

一鏡層陰吹散了詩情飛墮滄浪櫂聲塔影破微茫峯  
峯勻溼翠樹樹派斜陽不盡餘煙誰管領被風畱在  
垂楊迷離碎綠暗陂塘未消鴉背膩畧逗燕心涼

晝夜樂

同郁彝齋鼎鐘施可齋英兒蓮舫集金沙  
港賞荷



游人合是風吹聚其領畧林泉趣四圍山色飛來都被  
酒杯承去水外煙痕煙外樹襯數點畫中樓宇隨意放  
中流好尋他鷗鷺木蘭船繫垂楊渡正紅衣隔秋浦  
兩般酒氣花香別有醉人心處古岸日斜蟬自語被一  
片綠去陰遮住載得晚涼歸響幾聲柔櫂

菩薩蠻

枇杷陰裏茶煙閣琵琶聲裏香塵落扶影出疏簾晚花  
涼鬢檐 依人憐楚楚無計鬆眉宇水墨畫羅衣秋來  
瘦更宜

蘇幕遮

題趙笛樓笛樓圖

碧雲高良夜靜樓在花陰月在花陰等燕子夢長吹欲

倚晴樓詩餘

卷十

七

醒四面青山對面青山應  
豔情飄幽緒警各處黃昏  
各樣愁人聽未是秋來先已冷  
一樹垂楊一樹相思影

秋蕊香

西湖表忠觀訪桂

惻惻輕寒乍起吹縐越羅衫  
子淡黃樓閣斜陽地人語  
南朝古寺酒醒須仗花滋味  
幽香膩今宵何處生秋  
思忽憶疏簾月底

明月棹孤舟

中秋夜舟中坐月

銀漢微茫遲畫舸扶殘醉倚篷涼  
坐蛩絮蘆根雁稀星  
外零落水房燈火  
今夜紅樓秋夢鎖羅帷底玉簫誰  
和兩處西風半窗離恨不獨銷魂是我

滿江紅

臨溪道中

小別杭州煙樹外亂山眉蹙怕回首酒香燈炮粉紅鬢  
綠斜月半篷詩境冷西風兩岸秋聲足賸前宵殘夢不  
曾完今宵續 弦舊譜囊中玉飄瘦影窗中燭望吾廬  
何處碧雲修竹越水蓴鱸歸計得吳娃絲管鄉音熟唱  
南湖三十六鴛鴦相思曲

湘江靜

題手揮目送圖

半畝松陰涼透戶問秋商送來何處篷窗乍啟冰絃細  
響認疏花庭宇碎按十三星西風上七條絃柱淒音自  
迴黃昏正長梧桐外數聲雨 寶鼎香仙袂舉紫雲迴  
舊詞重譜湘江夢老胡笳恨遠算飛鴻能訴幾點逼寒  
空應愁斷洞庭煙樹曲 平終韻杳南樓望冷銀河挂曙

西湖月 本意

素雲捧出冰盤照十頃琉璃鏡奩初拭露橫天杳星隨  
樹迴數峯煙積芙蓉香自遠襯裏外紅橋秋四壁待鼓  
棹停入西村搖碎半湖殘白 回思載酒鳴榔趁七月  
新涼霽痕沈碧舊游如昨流光易改去年今夕懷人清  
夢杳和一曲瓊簫誰聽得正花底三兩鴛鴦睡醒無力

摸魚兒

九日偕閨人登煙雨樓

叩紅舷畫圖飛入樓臺如此幽境重陽風日今年好動  
我醉懷吟興欄共凭看隔水人家約畧煙中醒涼雲自  
迴聽長短菱歌兩三漁笛聲逼晚天冷 扶肩步細印  
苔痕半逕清游滋味誰領桂花香透羅衫子秋上鬢邊

蟬影庭院靜鎮寂寞無人惟有斜陽等垂楊漸暝見陣  
陣昏鴉星星野鶯疏落送歸艇

前調

題許金橋謹身河梁醉月圖卽送其入都

最銷魂夕陽初暝殘紅棲軟芳草東風只顧催離緒又  
放柳絲青裊春易老問鏡裏歌前幾箇朱顏好描來恨  
稿悵一霎晨星五更斜月別恨繫檣杪思君苦病後  
重添懊惱湖山誰共吟嘯平蕪盡處天涯路撩亂雨情  
煙抱相見少便不唱陽關已是人愁倒孤篷去了賸燕  
外鞦韆鶯邊樓閣花影動清曉

齊天樂

題金橋湖上勾留圖

東風吹去征帆影零星舊時鷗鷺鏡裏山青裙邊草綠

倚情樓詩餘

卷十

七三

都是離愁來處煙隄翠鳥自送了王孫落花無主獨叩  
紅舷冷吟閒醉甚情緒 春來游興易減望故人天末  
淒斷芳樹酒污衫痕泥空爪印惜少唳鷓留住僧樓聽  
雨怕此後尋君夢兒難數囑付垂楊曉鶯休亂語

前調

題張視溪曉風殘月圖

垂楊替寫嬋娟影依依送人孤棹碎葉籠煙零花膩雪  
點綴斷腸詞稿棲鴉睡了問鶯燕樓臺露涼誰靠嬾不  
成眠數聲漁笛夜天杳 荒村殘柝過盡悵風肥月瘦  
振觸情抱獨枕支愁離船守夢水上一鐙寒照明星漸  
少正酒醒無聊五更鐘到別有銷魂畫中春自好

點絳脣

查竹洲仲誥集同人於涉園玉玲瓏館篋

粉淡煙濃半開半謝元宵節暗香誰惜畱在羅裙褶

淺醉微吟花外寒猶力春陰寂畫簾如月添箇人吹笛

減蘭

舟次臯亭桃花謝三日矣悵焉填此

寒深病淺著意尋春春不見鶯燕人家偏我來時已落花  
斷紅無語水上星星流自去愁雨愁煙暑有芳陰  
蓋畫船

前調

抹麗

芳心點點細朶惺忪嬌素豔碎月篩廊涼約煙鬟稱晚  
粧玲瓏小玉窄袖輕衫初試浴香已銷魂况在秋羅  
扇底聞

蝶戀花

題程雪研女史素貞折枝畫冊

一寸纖毫螺粉膩不畫長眉不寫鴛鴦字

女史終冷韻身不嫁

疏煙吹欲起誤他瘦蝶香魂滯

流水芳華容易逝未

許東風偷入生綃裏卻笑尋常花並蒂等閒青了垂垂

子

前調

題汪沅蘭女史殘荷畫扇

第六橋頭會喚渡萬葉搖雲綠斷紅塵暑隔水盈盈嬌  
欲語引人秋思香中去別後西湖誰可付讓與蜻蜓  
占得花房住一鏡相思無寄處陂塘八月多煙雨

湘月

題宗叔霽青太守安瀾綠箋詞鈔

晚窗展卷認裁金乳玉周柳情思攜向旂亭待付與扇  
底小鬟偷記引笛尋腔挑燈讀豔幾串珍珠字兩三翹



蝶隔花殘夢驚起 自歎十載填詞香愁翠語耐孤吟

滋味白眼紅塵定笑我年少清狂如此石訂新緣簫聯

舊譜幸結閒鷗契

叔自號閒鷗盟主

相思飛度魏塘一片煙水

高陽臺

同張松溪許季眉乃常湖舫後秋時松溪將客袁浦余亦有歸意

水淺蘋根霜歛蓼影畫船斜倚孤篷幽况淒迷殘尊坐  
對青峯倦游客比秋消瘦算歸期燕子能同採芙蓉別  
後相思寄與西風 荷香桂子懷前度弄短檣長笛鏡  
裏煙濃欄靠斜陽羅衣人語樓東而今盡入銷魂傳悔  
當初領暑恩慙柳陰中只有寒鴉替守簾櫳

采桑子

玲瓏亭子分三面 一面迴廊 一面紅牆 一面闌干靠夕

陽 木樨香和茶煙膩才出紗窗才整羅裳人倚西風  
語亦涼

去年此刻曾相見畧訴殷勤畧解溫存畧有思量未當  
眞 今年此刻重相見瘦了眉痕肥了愁根難道秋來  
例病人

鬲溪梅令

題陳秋穀丙綴畫溪漁父圖

賣魚換酒對嫦娥且高歌約畧藕花稀處冷螢多采蓮  
人去麼 兩三村落水如羅柳婆娑若是一秋風雨著  
煙蓑認他張志和

醉花陰

題秋穀蘋香水閣填詞圖

全家住入琉璃鏡花氣中央冷微雨溼斜陽水上闌干

水底闌干影 蠻牋小字翻香令對博爐煙靜涼譜玉  
人絃秋滿疏簾燕子難消頷

瑤花

許雲林女史延勛以夜來香作鸚鵡以抹麗  
爲架徵詞於予爲填此解

因風吹活帶月飛歸向曲廊停住黃昏深院簾卷了萼  
綠華來何暮玉環身世祇一片秋魂難訴正有人睡起  
呼茶認是惺忪花語 飛瓊巧奪靈芸看竟體生香凡  
鳥應妬芳心未懺羅扇底誰念心經教與夜涼成夢儘  
消受畫闌清露囑付伊豆子紅時把相思銜去

鷓鴣天

鴛湖舟次與子良子述話別

零亂相思水樣流黃昏獨上木蘭舟夢如可約何妨睡  
別自無聊錯怨秋 波瑟瑟恨悠悠篷窗斜倚一回頭

南湖煙雨西湖月分掌離人兩處愁

前調 題徐心齋內翰之銘秋夜讀書圖

澹宕疏簾卷一層小窗閒對晚燈青涼分絡緯籬邊月  
秋在梧桐葉外星 銀漢迴露華明黃昏院落嫩寒輕  
添香補寫紅衣照便是當年宋子京

錢塘宗景藩子城校梓

倚晴樓詩餘卷一終

倚晴樓詩餘

卷二

海鹽 黃燮清 韻甫

清平樂

舟次金閘

浪傳佳麗荒盡繁華味鎮日篷窗無一事飽聽雁聲而已  
梅花冷月初三孤尊誰共清談只有西湖人夢從  
今不憶江南

杏花天

題石芸士煙波畫船圖

小樓夢斷鶯聲入最無奈傷春傷別闌干寸寸閒愁積  
愁比闌干曲折紅窗外游絲颺碧正風暖水香三月  
一篷花影誰移楫或是桃根桃葉

水龍吟

題霽青宗叔歸舫填詞圖

倚晴樓詩餘

卷十一

十一

好風吹出羅浮道。蝴蝶畱人難住。青山兩面碧雲千里。  
帆移春去。月裏篷窗。鐙前翠袖歌絃涼。訴笑十年宦跡。  
惺忪殘夢。剛贏得銷魂句。差喜閒情可賦。五湖船鏡。  
晨奩暮雁。箏和恨。鳳簫催拍豔。煩香絮。試問珠娘。那回  
送別。可曾教與。叔去官湖州時有贏得幾行倩玲瓏玉  
指拈來紅豆。把相思數。

疏影

順河集夜發

春星暈碧。數漏聲點點。催動行色。別盡鐙花。扶上車帷。  
碾碎荒原殘月。夢痕已是無憑據。况翠被五更寒力到。  
此時縱不思鄉。也有幾分愁絕。驀憶添香豔。刻玉人  
護半臂。何限情切。漸近紅塵。漸遠紅樓。好事天涯難覓。

祇餘馬首金鈴響似亭院惜花時節恨燕鶯不渡江來  
斷了綺羅消息

浪淘沙

界河驛題壁

鞭影指斜曛冷驛荒村天涯悶煞杜司勳芳草落花無  
一點何處傷春料得倚樓人瘦損眉痕綠楊時節易  
銷魂愁見玲瓏簾外月不許黃昏

齊天樂

車中竟夕不寐

尋常此際假香影消磨畫簾燈趣昵枕支鬟攜奩照夢  
各種溫柔難訴歡襟易阻自依戀浮名便成羈旅半夜  
鞭聲馬馱殘月出平楚花朝彈指過了悵芳華有限  
拋擲塵土綺帳聞鶯羅裙鬪蝶往事一天風絮窗前翠

羽應誦我年年惜春詩句別恨零星曉來都化雨

長亭怨慢

旅夜無聊朱月槎孝廉有源出西泠歌女愛兒羅帕索題爲填一解

怕重檢嗁痕糝暈自別西湖燕箋無信賸有秋羅那回  
玉臂淡相襯酒脣斜掩殘醉後餘香印一縷一纏絲問  
後約何時才準零粉記星星點點隔歲未全消褪當  
初贈與把紅豆細封離恨到此日汗滅塵縑但珠淚鐙  
前偷搵試折疊看來總是相思真本

蝶戀花

自送行人無意味獨上高樓何處愁堪寄聞道長安西  
北是闌干不向東南倚別恨似煙春似水一陣輕寒  
一陣游絲起小院落花飛燕子夕陽閒在蘼蕪地



前調

和月槎旅店題壁韻

庭院無人鶯自語似怯輕寒避入花深處芳事關珊璽  
不住落紅認得春歸路 昨夜樓頭曾聽雨夢裏尋郎  
別緒紛難數願化柳絲千萬縷隨風綠到津門去

前調

題潘絳庭會綬秋水芙蓉畫冊

三十六陂秋幾許縹緲涼波忽忽幽期阻塘外輕雷塘  
上雨紅顏不準西風妒 一兩枝花搖隔浦管領清愁  
賸有閒鷗鷺遠道相思憐日暮美人如夢無尋處

喝火令

題潘補之同年希甫花隱庵填詞圖

韻細流鶯和香疏粉蝶慵冷扶殘醉倚東風唱起花深  
深曲心事海棠紅 窄徑依微遠迴關宛轉通吹笙良

夜有誰同一樹春陰一樹月空濛月在無人庭院人在  
月明中

惜餘春慢

許金橋主政集同人於尺五莊餞春

小雨清塵微陽催暖暗綠天涯煙草花隨燕墮客爲鶯  
來幽徑亂紅難掃惆悵朱檐畫廊如此芳時倚闌人少  
賸隔溪蝴蝶參差裝點夕陽詞稿 會記得陌上尋鈿  
湖邊沽酒豔說蘇隄春好羅裙夢裏玉板尊前忽忽舊  
愁顛倒重聽清歌曼聲振觸無聊那回情抱况東風亭  
館飛殘香絮柳陰深了

惜紅衣

露筋祠

水綠春煙牆紅古岸嫩陰催夕繫棹門前閒鷗導行客

垂楊萬縷還認是蛾眉顏色愁絕塘外野風作去落花  
消息 明璫寶瑟依約芳蹤淮流其清澈招魂薦飲素  
月上瑤席誰和叩舷哀唱隔浦數聲漁笛問翠鬢何處  
應在碧雲天末

揚州慢

藝苑懷古

疏柳搖愁夕陽催暝可憐夢裏蕪城自瓊花謝後早粉  
黛飄零歎當日河邊士女斷燐衰酸都化流螢問淒涼  
誰弔黃昏猶有簫聲 翠橈暫倚玉鈎斜荒草青青算  
豔塚秋深離宮夜老畱得殘星不照畫眉簾子無聊處  
雨滅還明訴興亡遺恨招涼人語疏鐙

水調歌頭

借李儉伯光溥吳薇容敬義李芷香鼎  
銘鄭頴蘇如海諸同年及家菊人孝廉

會月夜泛舟至惠山

今夕是何夕明月在他鄉故人頗足清興鼓棹溯流光  
水外一重煙樹煙外一痕山翠山外數星涼酒醒未成  
寐清露滿衣裳渡前浦穿曲港但微茫誰家秋夢吹  
墮長笛起滄浪幾幅畫簾人影幾點畫船燈影羅袂遠  
生香疏柳曉風冷幽思泥篷窗

一斛珠 珍珠蘭

慰人寥寂玲瓏一串煙絲密柔枝細蕊幽香別金谷樓  
頭涼夜正相憶晚粧簾底疏星碧淚痕穿作去連環  
結枕函鬆落圓難覓粘上雲翹秋是露華滴

西子粧 白蓮

瘦怯凌波嬌憐試粉破曉湖煙初醒嬋娟隔水淡無言  
照相思一奩清鏡綃裳乍整算丰致洛妃還稱弄明珠  
問珮環月平下可堪持贈銀塘靜白石闌干雨洗殘  
粧靚玉人睡起卷簾看蕩微風扇羅香冷秋魂自警歎  
心素閒鷗難省倩誰來描寫愁痕夢影

珍珠簾簾影

移來六幅湘煙軟悄悄襯貼迴廊幽禱只許夕陽通  
慢放他歸燕畧有微風飄颺起誤帶出晚粧花片人面  
儘空濛瀟灑碧雲同遠會憶十二闌干映高梧垂柳  
波紋斜展細露一燈紅正夜涼初卷別後相思惟夢到  
錯認他明河清淺亭院悵月淡星疏那回羅幔

聲聲慢

秋聲

無人庭院有夢簾櫳昨平宵蟬鬢先涼瑟瑟蕭蕭清清  
冷冷昏黃不<sub>平</sub>知是風是雨是疏桐還是幽篁挑燈坐  
更月邊短笛吹起鄰牆閒向闌干悄倚正玉簪開遍  
露靜聞香管領芳階花陰添補嗁蠶誰家搗衣歸去錦  
迴文織恨空房眠易警最高樓從此夜長

憶舊游

自羅裙餞飲粉袖親香忽忽幽歡漸與明湖遠恨浮名  
誤我裘馬長安水邊那日游冶眉樣鬪青山怕別後芳  
華西風換了不似前番闌珊畫簾外想柳影添翠梧  
葉驚寒第六橋頭路放紅船移月誰唱彎彎翠樓翦燭

人杳離思問齊紈悵夜迴秋高涼螢數點愁倚欄

三姝媚 胭脂井

苔花愁暮雨悵瓊枝凋零恨埋終古暗水生香問豔歌  
清吹亂蛙能訴萬丈情瀾拚殉卻江山兒女落盡殘紅  
一代風流可憐塵土 誰把寒泉汲 平 取弔戰火蒼涼  
劫灰淒楚斷綆難收歎過江王氣此中銷去舊染曉痕  
都化作石欄清露賸有秋來絡緯思量故主

前調

題朱仲青中翰芬秋鐙伴讀圖

香添心字篆愛湘簾蕭疏夜窗微捲對影成三正露花  
煙月膩人庭院弟子紅粧還襯貼紗厨羅扇綺福誰同  
何遜風流宋郎仙眷 金井梧桐催晚聽漏鼓沈沈酒

醒寒淺救取飛蛾看玉釵斜拔豔生詩卷賦雨吟秋剛  
墜葉疏蛩相閒寄語隔牆冷柝更籌慢轉

清平樂

當湖秋泛

舊游在否零落雙紅袖水閣疏廊仍種柳柳是十年前  
有 一枝枝艣橫塘一聲聲笛鄰牆一點點蘋秋意一  
絲絲蓼斜陽

浪淘沙

秋意入芭蕉不雨瀟瀟閒庭如此好涼宵月自纏絲花  
自媚人自無聊 別恨幾時銷認取紅綃鳳箏音苦雁  
書遙醒著欲眠眠著醒燈也心焦

浣溪紗

湖上感舊

四闕



十頃萍波膩遠天綺羅香散半隄煙裙邊蝴蝶也疑仙  
秋浦飄鐙會八月夜窗題曲已三年銷魂無分但纏絲  
粉膩脂慵病未蘇烹茶清語鎮模糊過時猶想况當初  
茉莉香寒鸚鵡別芙蓉思渺雁鴻疏墜歡各自夢西湖  
水樣恩禁嫩寒晝中樓閣夕陽殘夕陽會照倚闌干  
綠綺已捐名士調紅塵偏上美人鬟不會同去有青山  
翠幕無聊語晚鴉碧雲難問阿香車小屏山外卽天涯  
南國可憐生豆子北人偏解種楊花感人無謂是芳華

雨霖鈴

題陸次山樓蜀游圖

奇峯青削問誰人遣力士開鑿偏安自古形勝英雄代  
謝風雲蕭索指數興亡似馬背殘夢依約買濁酒一平

倚晴樓詩餘

卷二

七

醉斜陽笑倚吟鞭慢斟酌 玉環花蕊都飄泊歎香魂  
更比秋煙薄當初墜粉零豔只平合付浪游詩藁自別  
峨眉城上芙蓉幾度開落梅聽了杜宇歸來過後思量  
著

淒涼犯

聞笛

涼雲乍合黃昏近秋聲忽動梧葉晚天思迴高樓夢破  
最憐幽咽闌干露溼正羅袂寒時聽得問誰傳銷魂信  
到似與訴離別 會記江湖夜小倚篷窗翦燈孤寂水  
長調遠趁漁歌倍添淒切酒醒滄浪賸離思飛來空闊  
悄無眠隔岸細柳弄曉月

卜算子

題吳晉齋廷康梅里草堂圖

淺淺玉池波點點蒼苔雪澹澹輕煙惻惻風香在濛濛  
月寂寂舊時春渺渺誰家笛曲曲闌干楚楚人無奈  
依依別

時晉齋以感逝  
圖囑製樂府

前調

題魏滋伯謙升空山讀書圖

煙外數椽幽雨後諸峯醒時有樵夫問字來踏碎松花  
影簾卷午陰涼樹帶斜陽靜枕上南華一卷經說與  
嘯援聽

疏影

題方雲泉鶴疏影庵填詞圖

天寒瘦竹露晝榻幾眼三兩閒屋薄暝微茫碎雪迷離  
所平思遠在空谷卷簾畧識春風面是誰寫折枝橫幅  
似伴伊冷月吹笙忍放嫦娥幽獨小隱西村最好嫩

煙四五里香滿山籠淺立牆陰淡照波痕天然縞袂裝  
束隔花喚起林和靖問清夢恁時酣足只夜深翠羽飛  
來偷記笛邊殘曲

花非花

花非花夢非夢夢裏來花前送四更斜月五更風破格  
春寒今夜重

胡鬢練

玉笙縹緲隔春雲愁問鈿蟬消息門外一枝梧葉會見  
攜鐙別 簾紋如水漸生涼良夜爲誰憐惜莫倚闌干  
殘月月是當初月

浣溪紗 贈素秋 八闋

油壁輕車帶夕陽。隔層簾子。忒微茫。斷橋前事費思量。  
歸路漸隨芳草遠。畫隄猶送暗塵香。情無頭緒爲誰長。  
小字真娘。隱約猜木樨。門巷訪金釵。一重花影繡蒼苔。  
淺病倦調鸞尾。瑟清游新試鳳頭鞵。鸚哥傳語未歸來。  
豔絕西湖湖上樓。倚闌同看遠山秋。水鄉膩得似溫柔。  
彈恨有聲憑雪指。通詞無間託星眸。琵琶一折一回頭。  
瀟灑丰姿瘦欲仙。雲鬟宜整亦宜偏。便慵裝束自天然。  
才得聞名先著意。未曾相見已生憐。見時難道不纏綿。  
安置疏簾淡月中。花香畧透鬢雲鬆。羅衣可耐四更風。  
媚語忽低知酒重。情顏微暈借燈紅。來時草草去匆匆。  
淺淺銀河畫遠秋。西風吹動小簾鉤。冷螢照我獨登樓。

新月三分誰管領一分涼思一分愁一分閒在柳梢頭  
水樣羅裙蛺蝶飛萍痕絮迹認迷離夢中猶是醒來非  
擬倩鏡兒摹豔影暗拋骰子卜佳期不因無益廢相思  
誰替黃姑借聘錢探囊只有斷腸牋如今未是買花天  
杜牧重來應踐約劉郎再到豈無緣感卿許我待三年

鬢雲鬆令

題滋伯花灘漁唱圖

嫩涼浮幽思聚一笛西風吹醒陂塘雨約畧晚峯青可  
數誰放斜陽紅了疏疏樹問漁兄攜釣侶小詠鳴榔  
唱入菱花去時有聞鷗畱客住醉擁蓑衣清夢煙中補  
齊天樂

曹葛民伯甸招同松溪秋穀彥宣曹村諸君子雨湖秋袂分韻得其字

西風吹起清游興羅衣嫩寒初動柳葉辭秋菱花病雨

隄外溼陰涼凍吟肩瘦聳算如此煙波野鷗堪共樹杪  
樓臺兩三蕭寺暮雲重 蘭亭高會已矣問當年韻事  
誰繼觴詠叶我輩能狂山靈欲笑不放酒杯閒空峯鬢  
翠擁認鏡裏粧痕未醒殘夢倚醉行歌畫船隨意攏

前調

題葛民花陰詞夢圖

一聲聲漏黃昏過江樓夜涼人靜醉思煙輕吟魂水淡  
吹入誰家門徑春衫露冷笑蝴蝶飛來花閒畱定立斷  
蒼苔粉牆殘月悄相等 悠揚清韻乍起誦周郎麗句  
依約堪省牛簾花影草窗詞  
葛民夢中句也玉柱鳴絃金釵擊節豔煞  
半簾鐙影風斜霧暝悵潦草游仙亂鶯曉醒翠被生寒

五更鐘易警

浪淘沙

題葛民花樓風月圖

無限古今愁，獨上危樓。長江匹練寫清秋。不見神仙吹  
笛過，只有漁舟。我輩復來遊，重整吟儔。舊時歌舞幾  
時休。一樣朱闌人換了，往事悠悠。

桂枝香

疏林漸禿，正翠竹晚寒，深院人獨。記得羞蛾乍見，鬢煙  
低綠。纏絲金縷秋娘恨，散相思酒邊哀曲。可憐無奈，一  
更更鼓替伊匆促。自送了花陰繡轂，悵芳草淒迷空  
憶。裙幅忍敷清輝三五，豔齡十<sub>平</sub>六。袖中畱取煙羅帕，  
斷腸詩題遍，誰讀別來愁味。只須問我畫屏殘燭。

解聯環

題彥宣美人畫卷



素心難託畫南樓，瘦質暮雲依約自伴伊。  
煙水清游算香跡，綺蹤漸成疏落。夜月冰絃，只添我相思。  
繚邈悵輕寒，餞柳細雨零蓉翠。損紅削汀洲漫尋杜若，望明璫繡襪春去無著念。宋郎近日多愁，正秋思渺茫，况更離索。鈿雀銷沈，怕重問卷簾池閣。待親裁恨牋，寄與亂鴻易錯。

高陽臺

平山堂下廢園

酒國寒深，簫樓夢遠，平蕪綠過危廊。翠減紅疏，知他幾閱星霜。黃金銷盡繁華歇，有流鶯代訴荒涼。漫思量羅袂珠簾，一例斜陽。煙花休憶南朝事，便尋常池館也。歷滄桑蝴蝶飛來，猶憐往日衣香。東風自覺無聊甚，到

春來嬾上垂楊最心傷月裏歌聲都在鄰牆

卜算子

順河集題壁

孤負綺羅春消領風塵况夢裏梅花滿故山開了無人賞  
一樣玉驄嘶一樣金鈴響一樣鞭絲出柳陰不似

西湖上

念奴嬌

新店見亡友許金橋題壁詩

曉星疏朗送荒寒行色五更羈旅野店唬鴉如喚我畱  
看故人詩句爾賸零絲蠶餘殘墨浪說紗籠護旗亭冷  
落翠鬢尊酒誰賂堪歎逝水流年浮雲小劫容易芳  
華暮贏得天涯知己淚痛哭招魂何處已矣功名悲哉  
身世彈指成今古星星文采一般都化塵土

齊天樂 車燈

平原碎碾淒迷影輕隨畫輪移去瘦借煙肥昏憐霧隔  
紅暈馬蹏塵土殘更四五鎮一點心焦悶天難曙閃過  
垂楊短長亭外數星聚 高樓今夜睡未料香篝倦倚  
清夢誰煮翠袖占花金釵剔燄應念荒寒愁旅紗籠細  
補渾不是羅帷少年聽雨照醒離魂不眠人最苦

摸魚兒

腰站題壁和支少鶴同年清彥韻

甚花朝等閒過了天涯淒斷芳訊琵琶不作無情響彈  
醒綺羅幽恨眠未穩算春在江南但有思量分愁脂怨  
粉便殘月聞歌寒鐙說豔長夜怎消盡 西泠路冷落  
秋娘翠鬢同心空鑄私印蝶裙如夢經年別賺得銷魂

詩本人瘦損想鏡裏朱顏只許鴟哥認離懷暗引問桃  
葉因緣楊花知遇癡約幾時準

沁園春

汗

點點星星帶水芙蓉娉婷似伊漸引鍼手膩暫拋金縷  
按徽指滑易潤琴絲帕搵桃花衫黏杏子想像溫泉出  
浴時花陰裏笑迷藏捉得熱了冰肌 依稀似露還非  
帶粉氣盈盈怯不支正闌干憑徧就風攜扇鞦韆扶下  
避月鬆衣酒後微生茶餘畧透溼暈猩唇一點脂黃昏  
近倩檀郎分帳祇許相思

前調

魂

鬼也仙乎綽約因依風前細腰記珠簾偷度如雲漸遠

粉牆遮住似月難招獨帳燈殘離筵酒醒長夜能經幾  
次銷無人處認相思庭院芳徑斜抄 苗條倩影難描  
但趁著游絲過灞橋被竹聲帶起微聞金佩花陰吹轉  
慣怯瓊簫瑟瑟驚秋悠悠成夢一翦湘蘭泣楚騷紅窗  
靜怕紫煙飛去好護冰綃

前調 淚

兩點微波閣住星眸思量可憐看香痕和墨秋風題扇  
零絲界粉春雨憑闌別母盈盈催妝脈脈是喜還悲欲  
嫁天傷心處歎誰人解得月底花前 淒然斷了還連  
直透出梅心一縷酸記投懷掩袂問歡薄倖支頤泣枕  
借夢纏絲鸞鏡慵開蛾眉見嫉也似才人失意年無聊

夜替青衫鳴咽溼暈鴟絃

祝英臺近

題錢曉廷紫藤花畫冊

葉成圍枝挂粉春老尙妍麗遮蓋迴廊風漏暖香膩怪  
他燕夢醒來蝶魂尋到都傍著畫簷飛起暮煙細人  
在瓔珞中間吟闌共誰倚架設鞦韆紅透綠陰裏便教  
過了芳時午簾消暑還借得一篷涼翠

念奴嬌

題芭蕉畫冊

蕭蕭意遠帶煙痕寫出翠無重數曾向輞川圖裏見殘  
雪恁時消去几淨宜書窗陰礙繡染綠閒庭宇夕陽遮  
了淺紅畱在高樹最好瘦石安排疏花襯貼三徑移  
雲補記得讀書深夜坐記得煎茶簾戶倚枕聽秋挑燈

味夢一陣黃昏雨玉階如水暗蛩能說涼趣

月華清

題梅花水仙畫冊

影醉朱闌塵生素襪微寒乍透書幔一度東風林下自成仙眷醒殘夢蝶帳疑煙撫幽操鳳琴如怨簾卷認瓊妃暈酒笑持金盞掩映冰魂數翦記小雪籠陰碧雲催晚曲製紅羅雅稱玉釵清譎故人信枝上傳來神女步鏡中窺見春淺鎮香齊豔並冷心偎煖

倚晴樓詩餘卷二終

錢塘宗景藩子城校梓